

御選歷代詩余

御选历代诗余

御選歷代詩餘卷九十目錄一百十四字

沁園春中

洪咨夔三首

盧祖皋三首

汪莘三首

李昴英

陳經國二首

趙以夫二首

方岳六首

張榘

馮取洽六首

蔣捷

歐良

姚勉

九首

王鼎翁

何夢桂

二首

吳潛

陳草閣

葛長庚

三首

元好問

御選歷代詩餘卷九十目錄

卷之十目錄

御選歷代詩餘卷九十

一百十四字

司經局洗馬掌局事兼翰林院修撰加二級臣王奕清奉

旨校刊

沁園春

中

沁園春

壽翁
紫微

洪咨夔

詩不云乎蒹葭蒼蒼白露爲霜看高山喬木青雲老幹
英華滋液亦斂而藏匠石操斤便游林下一舉採之充
棟梁須知道是天將大任翕處還張薇郎玉佩丁當
問何時午橋花竹莊又星回歲換臘殘春淺錦熏籠紫
栗玉杯黃喚起東風吹醒宿酒甲子從頭重數將明朝
去趁傳柑宴近滿袖天香

前調

洪咨夔

秋氣悲哉薄寒中人皇皇何之更黃花吹雨蒼苔滑履
闌空鬪鴨牀老支龜靜裏蛩音明邊看隄蹴踏星河天
脫鞵清談久頓兩忘妍醜嫫姆西施 濂溪家住江濱
愛出水芙蓉清絕姿好光風霽月一團和氣尸居龍見
神動天隨著察工夫誠存體段箇裏語言文字非君家
事莫空將太極散打圖碑

前調

洪咨夔

歸去來兮杜宇聲聲道不如歸正新煙百五雨留酒病
落紅一尺風妒花期睡起綠牕銷殘香篆手板撐頤還
倒持無人解自追游仙夢作送春詩 風流不似年時

把別墅江山供弈棋空一川芳草半池晴絮歌翻長恨
賦續懷離桃葉渡頭沉香亭北往事悠悠難重思徘徊
處看鳴鳩喚婦乳燕將兒

前調

雙溪
御鷗

盧祖皋

幾葉彫楓半篙寒日傍橋繫船愛洞門深鎖人間福地
雙溪分占天上星躔破帽敲寒短鞭敲月此地經行知
幾年空贏得似沈郎消瘦還欠詩篇沙鷗伴我愁眠
向水驛風亭紅蓼邊有村醪可飲且須同醉溪魚堪鱸
切莫論錢笠澤波頭垂虹亭上橙蟹肥時霜滿天相隨
否算江南江北惟有君閒

前調

自題
方壺

汪莘

春至傷春秋至悲秋誰在華胥歎謫仙才氣飛揚跋扈
淵明心事慷慨歛歛自我少時如今晚境行半人間真
有餘都休問且一觴一咏吾愛吾廬南皋境界何如
捨明月清風誰與居望蓬山路杳萬株翠檜方壺門掩
四面紅蕖中有佳人綽如姑射一炷清香滿太虛塵寰
外被鳴鸞報客飛鶴傳書

前調

憶黃山

汪莘

三十六峰三十六谿長鎖清秋對孤峰絕頂雲煙競秀
懸崖峭壁瀑布爭流洞裏桃花仙家芝草雪後春正取
次遊親承見是龍潭白晝海湧潮頭當年黃帝浮丘
有丹枕玉牀猶在不向天都月夜遙聞鳳管翠微霜曉

仰盼龍樓砂穴長紅丹爐已冷安得靈方問蚤修誰知
此只原頭白鹿水畔青牛

前調

挂黃山圖十二
軸恰滿一室

汪莘

家在柳塘榜挂方壺圖挂黃山覺仙峰六六滿堂峭峻
仙溪六六遶屋潺湲行到水窮坐看雲起只在吾廬尋
丈間非人世但鶴飛深谷猿嘯高巖如今雙足蹒跚
向畫裏嬉遊臥裏看甚花開花落悄無人見山南山北
誰似余閒住箇菴兒了些活計月白風清人倚闌山中
友類先秦氣貌後晉衣冠

前調

監司元宵
招飲不赴

李昉英

纔到中年節物渾閒賞心頓輕據隨分東風瓶簪柳雪

應時燈夜棚綴蓮星自一家春也三杯酒巧繭堆香笑
語聲又何須聽西樓絃管南陌簫笙平生黃卷青燈
宵珠翠奢華八尺檠欲趁隊閒嬉雕鞍寶馬回頭猛憶
破案囊螢鄰曲漁歌庭除鶴舞塵外冰輪徹骨清人閒
處這炯然方寸一點長明

前調

陳經國

把酒西湖花月三年不見粲山想荊州座上消磨歲月
唐風集裏收卷波瀾鶴邑朝帆鱸鄉夕棹來往菰蒲何
處閒應思我似騎驢杜甫長在長安相逢依舊開顏
聽玉屑霏霏當暑寒笑髯生如許尚誇年少心忙未了
浪說身閒鹿夢無憑菟裘堪老付子聲名我欲還斜陽

外把平生心事同倚闌干

前調

陳經國

過了梅花縱有春風不如早還正燕泥日暖草繇別路
鶯朝煙淡柳拂征鞍黎嶺天高建溪雷吼歸好不知行
路難龜山下漸楊梅初熟盧橘猶酸 名場老我間關
分歲晚誅茆湖上山歎龍舒君去尚留破硯魚軒人老
長把連環鏡影霜清衣痕塵暗贏得狂名傳世間君歸
日見家林舊竹爲報平安

前調

次劉後村韻

趙以夫

秋入書幃漏箭初長熏鑪未灰向酒邊陶寫韓情杜思
案頭料理漢蠹秦煨天有高情世無慧眼剛道先生是

不材人都笑這當行鋪席又不成開
忘懷物外徘徊
與鷗鷺同盟兩莫猜似龍蛇匣裏光涵牛斗鳳凰臺上
聲挾風雷寶汞一錢冰銜三字浮利浮名安在哉太平
也要泥金鏤玉除是公來

前調

次方時
父韻

趙以夫

自笑生來骨相無奇壬三甲三覺紫宸班裏都忘故步
維摩室內添箇新參壯也不如老之將至何止稽康七
不堪江湖客況詩肥賈島骨瘦王曇
紛紛紆紫拖藍
送水北山人又水南喜支離得佚散材爲壽一丘自足
萬象中涵膾炙功名膏盲富貴舉世黃梁夢正酣知誰
健且茹芝商嶺飲菊胡潭

前調

賦子規

方岳

儘爲春愁儘勸春歸直恁恨深況雨急黃昏寒欺客路
月明夜半人夢家林店舍無煙楚鄉寒食一片花飛那
可禁小凝竚點紅薦翠老江樹陰陰汀洲杜若誰尋
想朝鶴怨今猿夜吟甚連天芳草淒迷離恨拂簾香絮
撩亂深心汝亦知乎吾今倦矣甕有餘春可共斟歸來
也問淵明而後誰是知音

前調

隱括蘭亭序

方岳

歲在永和癸丑暮春修禊蘭亭有崇山峻嶺茂林修竹
清流激湍映帶山陰曲水流觴羣賢畢至是日風和天
氣清亦足以供一觴一咏暢敘幽情悲夫一世之人

或放浪形骸遇所欣雖快然自足終期於盡老之將至
後視猶今隨事情遷所之既倦俛仰之間迹已陳興懷
也將後之覽者有感斯文

前調

和宋令
致苔梅

方岳

有美人兮鐵石心腸寄春一枝喜蘚生龍甲那因雪瘦
月橫鶴膝不受寒欺雲臥空山夢回孤驛生怕渠嗔未
敢詩江頭路問銷魂幾許索笑何時賦成字字珠璣
君莫倚家風舊解題歎水曹安在飄然欲去逋仙已矣
其與誰歸煙雨愁予江山老我畢竟歲寒然後知微酸
在儘危譙斜倚殘角孤吹

前調

用梁權郡
韻餞春

方岳

鶯帶春來鵲喚春歸春總不知恨楊花多事杏花無賴
半隨殘夢半惹晴絲立盡碧雲寒江欲暮怕過清明燕
子時春且住待新筍熟了却問行期問春春竟何之
看紫態紅情難語離想芳韶猶剩牡丹知處也須些個
付與荼蘼喚取娉婷觀教春醉不道五更花漏遲愁一
晌笑車輪生角早已天涯

前調

和趙司
戶紅藥

方岳

把酒問花繭栗梢頭春今幾何笑身居近侍階翻萬玉
面勻菩薩髻擁千螺一一牙籤英英碧字占定花間甲
乙科歸來也傍紫薇吟處揉作陽和祇今花事無多
看幾許風煙付與他待圍將翡翠怕蜂黏粉織成雲錦